



FRÉTTABRÉF BSSL

EFNI BRÉFSINS:

Síðsumarsýning kynbótahrossa 15.-19. ágúst	1
Greiðslumark mjólkur aukið um 5 millj. lítra	1
Skrifstofa BSSL lokuð 25. júlí - 3. ágúst	1
Heysýni, heysýni !!!	1
Sauðfjárskýrsluhald 2004	2
Nautgripabændur athugið	2
Sæðisdropinn 2/05	3
Ólituð dieselolía og lituð !	3
Glæsilegur árangur SUNNU-bænda 2004 !	4
Vegna flutnings á líffé milli varnarhólfa haustið 2005	4

Síðsumarsýning kynbótahrossa 15.-19. ágúst

Síðsumarsýning kynbótahrossa á Gaddstaðafötum hefst mánudaginn 15. ágúst og lýkur föstudaginn 19. ágúst með yfirlits-sýningu. Ef þátttaka verður meiri en búist er við verður bætt við dögum. Tekið verður við skráningum dagana 4. til 9. ágúst n.k. á skrifstofu Búnaðarsambandsins í síma 480 1800. Á heimasíðu Búnaðarsambands Suðurlands, www.bssl.is má einnig skrá hross til sýningar auk þess sem nánari upplýsingar er þar að finna.

Greiðslumark mjólkur aukið um 5 millj. lítra

Guðni Ágústsson landbúnaðarráðherra hefur undirritað reglugerð þess efnis að greiðslumark mjólkur verðlagsárið 2005/2006 hækki úr 106 milljónum lítra í 111 milljónir lítra. Breytingin tekur gildi um næstu verðlagsáramót eða þann 1. september næstkomandi. Þetta er 4,7% aukning á greiðslumarki mjólkur og er einkum tilkomin vegna mikillar söluaukningar á skyri, skyrdrykkjum og ostum. Þrátt fyrir þessa aukningu aukast ekki beingreiðslur til kúabænda þar sem nýr mjólkursamningur tekur gildi á sama tíma en hann kveður á um að beingreiðslur séu föst heildarupphæð á ári. Þannig mun aukning á greiðslumarki lækka beingreiðslur á hvern lítra. Hins vegar tryggir aukið greiðslumark kúabændum fullt afurðastöðvaverð fyrir aukna framleiðslu eða alla þá mjólk sem framleidd er innan greiðslumarks.

Skrifstofa BSSL lokuð 25. júlí - 3. ágúst

Skrifstofa BSSL að Austurvegi 1 á Selfossi verður lokuð frá mánudeginum 25. júlí til og með miðvikudagsins 3. ágúst vegna sumarleyfa starfsmanna. Eftir sem áður geta bændur sent heysýni og kúaskýrslur með mjólkurbílunum þar sem tryggt hefur verið að þær komist á rétta staði. Skrifstofan opnar aftur fimmtudaginn 4. ágúst.

Frankvæmdastjóri.

Heysýni, heysýni !!!

Bændur eru hvattir til að fylgjast með gæðum þess heimaafloða fòðurs sem aflað er í sumar til gjafar næsta haust og vetur. Mjög líklegt er að gæði heyja verði allmismunandi nú í sumar vegna þess hvernig sprettuferillinn hefur verið. Til að fá sem öruggastar upplýsingar um gæði heyjanna er besta leiðin að taka svokölluð hirðingarsýni úr völdum spildum og fá sýnin síðan efnagreind nú í sumar þannig að niðurstöður komi til nota strax að áliðnu sumri.

Líkt og undanfarin ár mun Búnaðarsambands Suðurlands koma að þessum málum með viðkomandi bændum, bæði hvað varðar sýnatökuna sjálfa og síðan túlkun niðurstaðna. Þeir bændur sem hafa hug á að nýta sér þjónustu Búnaðarsambandsins á þessu sviði eru hvattir til að hafa samband í síma 480-1800 eða í tölvupósti rs@bssl.is og fá senda plastpoka, merkimiða og leiðbeiningar um sýnatökuna. Þeir bændur sem eru þátttakendur í SUNNU og SÓMA-verkefninu hafa fengið send nauðsynleg gögn vegna sýnatökunnar.

Kostnaður vegna efnagreiningar hvers sýnis er áætlaður 3.850 kr án vsk.

Á DÖFINNI:

- Síðsumarsýning kynbótahrossa 15.-19. ágúst

Sauðfjárskýrsluhald 2004

Niðurstöður sauðfjárskýrsluhalds fyrir árið 2004 liggja nú að mestu fyrir, þó eiga örfáir eftir að skila skýrsluhalds-gögnum fyrir s.l. ár og vil ég hvetja þá aðila til að skila sem fyrst. Allt of margir skiluðu gögnum seint en til þess að skýrsluhaldið nýttist sem best fyrir hvern og einn bónda er best að skila strax að hausti um leið og allar upplýsingar liggja fyrir.

Í töflu 1 er samantekin yfirlitsskýrsla sauðfjárræktarfélaganna á Suðurlandi og í A-Skaftafellssýslu 2004.

Á Suðurlandi eru 268 skýrsluhaldarar, í A-Skaftafellssýslu eru 47 skýrsluhaldarar. Talsverð aukning varð í skýrsluhaldinu frá fyrra ári og má rekja þessa fjölgun til gæðastýringar í sauðfjárrækt. Skýrsluhöldurum á Suðurlandi fjölgaði um 50 milli ára, mesta fjölgunin var í Rangárvallasýslu en þar fjölgaði skýrsluhöldurum um 37, það fjölgaði um 12 í V-Skaft. og 1 í Árnassýslu. Í A-Skaftafellssýslu fjölgaði um 7 skýrsluhaldara. Flestir skýrsluhaldarar eru í Rangárvallasýslu, 103.

Alls eru 52.144 ær á skýrslum í þessum fjórum sýslum en flestar ær á skýrslum eru í V-Skaftafellssýslu 14.824.

Afurðir eftir hverja á í þessum fjórum sýslum 2004 eru 25,9 kg eftir hverja á, mestar afurðir eftir hverja á að meðaltali eru í V-Skaftafellssýslu, 27,2 kg.

SÝSLA	FJÖLDI FÉLAGA	FJÖLDI ÁA Á SKÝRSLU	REIKN. KJÖTPUNGI EFTIR				LÖMB Á 100 ÆR	
			TVÍL.	EINL.	Á.M.L.	HVERJA Á	FÆDD	TIL NYTJA
Árnassýsla	93	11.598	33,1	18,2	29,3	26,2	182	163
Rangárvallasýsla	103	14.277	29,9	16,1	26,5	24,0	179	161
V-Skaft	72	14.824	32,0	17,4	29,0	27,2	183	168
A-Skaft	47	11.445	30,9	17,2	28,2	26,4	186	171
Alls	315	52.144	31,5	17,2	28,3	25,9	183	166

Í töflu 2 er listi yfir þau bú sem eru með 33 kg. eða meira eftir hverja á í sýslunum fjórum 2004. Fjöldi áa á þessum búum er mjög breytilegur. Breytilegt er hvert hlutfall gerðar og fitu er á þessum búum. Ekki er það ásættanlegt þegar hlutfallið er komið niður fyrir 1,0.

Eigandi	Bú	Fjöldi áa	Kjötþungi e. Hverja á	Lömb e. 100 ær til nytja	Hlutfall gerðar og fitu	
Anna María og Tryggvi	Hlíð	12	38,2	183	167	0,84
Þorvaldur Þorgrímsson	Raufarfélli	23	35,3	230	217	1,18
Jón og Eiríkur	Gýgjarhólskoti	295	*35,2	195	181	
Vilborg H. Ólafsdóttir	Skaróshlíð	43	35,2	229	221	1,16
Þórarinn Eggertsson	Hraungerði	168	34,9	202	192	1,20
Ragnheiður Magnúsdóttir	Svínafélli	333	34,3	205	186	1,06
Gísli H. Magnússon	Ytri-Ásum	342	34,1	190	173	1,10
Bragi Birgisson	Efri-Gegnishólum	44	34,1	180	170	1,12
Valur Lýðsson	Gýgjarhóli	75	34,0	220	196	1,03
Magnús H. Pálsson	Syðri-Gróf	23	34,0	209	196	0,99
Guðlaug Ingvarsdóttir	Útey 2	16	33,9	194	181	0,85
Elín H. Valsdóttir	Úthlíð	363	33,8	199	183	1,21
Magnús Gunnlaugsson	Miðfélli	105	33,5	180	171	0,93
Böðmódsstaðabúið	Böðmódsstöðum 2	48	33,4	217	204	1,06
Jón Þorsteinsson	Kirkjubraut 62	40	33,3	215	195	1,26
Friðrik Þórarinnsson	Vogsósum	25	33,1	196	188	1,09

* Afurðir í Gýgjarhólskoti voru áætlaðar út frá þunga á fæti og kjöt% á nokkrum föllum.

Í töflu 3 er listi yfir þau bú í sýslunum fjórum sem eru með 9,5 eða meira í einkunn fyrir gerð. Mjög er breytilegt hversu margir dilkar eru á þessum búum. Einnig er breytilegt hver einkunnin fyrir fitu er á þessum búum en hlutfallið milli gerðareinkunnar og fitueinkunnar segir til um gæði framleiðslunnar.

Eigandi	Bú	Fjöldi	Kg.	Gerð	Fita	Hlutfall
Anna María og Tryggvi	Hlíð	19	23,83	10,21	12,21	0,84
Félagsbúið Brautartungu	Brautartungu	111	17,12	10,11	8,89	1,14
Jökull Helgason	Ósabakka	190	18,34	10,04	8,73	1,15
Sigfús og Lilja	Borgarfelli	701	17,11	10,00	8,13	1,23
Bragi Birgisson	Efri-Gegnishólum	64	19,39	9,97	8,88	1,12
Steingrímur Pétursson	Sandgerði 4	43	19,38	9,95	8,23	1,21
Félagsbúið Fagurhlíð	Fagurhlíð	236	17,35	9,92	8,13	1,22
Ingi og Elsa	Snæbýli 1	586	17,70	9,72	8,25	1,18
Magnús Guðmundsson	Oddgeirshólum	205	16,79	9,71	8,30	1,17
Elín H. Valsdóttir	Úthlíð	631	18,20	9,65	7,97	1,21
Elín Bjarnveig Sveinsdóttir	Egilsstaðakoti	107	16,77	9,51	7,81	1,22
Ragnar Sigurðsson	Gamla-Garði	18	17,76	9,50	7,56	1,26

Á heimasíðu Búnaðarsambands Suðurlands www.bssl.is er hægt að skoða nánar lista yfir afurðahæstu búin og þau bú sem eru með hæst gerðarmat.

Guðlaug Berglind Guðgeirsdóttir.

Nautgripabændur athugið

Nautgripabændur á Suðurlandi eru hvattir til að fylgjast með verðþróun á nautgripakjöti en undanfarin misseri hefur afurðaverð þokast upp á við. Á vef Landsambands kúabænda www.naut.is er hægt að sjá nýjustu verðin sem eru í boði til bænda.



Sæðisdropinn 2/05

Í vetur hefur verið gott framboð af kálfum á Uppeldisstöðina. Ég vil eindregið hvetja ykkur til þess að tilkynna um nautkálfa undan kúm á nautsmæðraskrá og ekki síður efnilegum 1. kálfs kvígum eða ungum kúm sem ekki hafa fengið kynbótamat. Þar er einkum um að ræða kýr sem eru að bera sínum öðrum kálfi og nota má ætternisspá ásetningskvígna til hliðsjónar. Verið er að taka nautkálfa á stöð undan Prakkara 96007, Hófi 96027, Fróða 96028, Hvítingi 96032, Teini 97001, Stíg 97010, Brimili 97016, Randver 97029, Kubbi 97030 og Hersi 97033. Nautsfeður til notkunar úr árgangi 1998 eru þeir Fontur 98027, Sveppur 98035 og Umbi 98036 sem eru þá til notkunar á nautsmæður auk nautsfeðra úr '97 árgangi. Ég minni á að **búsnúmer Uppeldisstöðvarinnar í Þorleifskoti 166259-1** en það færist á bakhlið mjólkurskýrslu þegar nautkálfur er sendur á stöðina. Að sjálfsgöðu eiga allir kálfar að vera merktir áður en þeir yfirgefa búið.

Í útsendingu eru núna eftirtalin ungnaut:

Brunnur 03036 frá Efri-Brunná, f. Túni 95024, mf. Búi 89017.
Eldur 04001 frá Laugabóli, Reykjadal, f. Sproti 95036, mf. Hlemmur 91004.
Bursti 04003 frá Bryðjuholti, Hrunamannahr., f. Hófur 96027, mf. Holti 88017.
Grikkur 04004 frá Neðra-Hóli, Staðarsveit, f. Fróði 96028, mf. Kaðall 94017.
Þorri 04005 frá Efri-Gegnishólum, Gaulverjabæjarhr., f. Hófur 96027, mf. Óli 88002.
Þynur 04006 frá Ytri-Tjörnum, Eyjafirði, f. Fróði 96028, mf. Kaðall 94017.
Farsæll 04007 frá Daufá, Skagafirði, f. Hvítingur 96032, mf. Búi 89017.
Salómon 04009 frá Hundastapa, Mýrum, f. Prakkari 96007, mf. Óli hennar Lóu 97810.
Hlaupari 04010 frá Hríshóli, Eyjafirði, f. Hófur 96027, mf. Óli Óla 96911.
Ingjaldur 04011 frá Ingjaldsstöðum, Þingeyjarsveit, f. Prakkari 96007, mf. Kolbrandi 96949.
Gnýr 04012 frá Lundi, Lundarreykjadal, f. Fróði 96028, mf. Kubbur 97030.
Þrumari 04015 frá Ystahvammi, Aðaldal, f. Hófur 96027, mf. Túni 95024.
Hjálmur 04016 frá Hjálmholti, Hraungerðishr., f. Pinkill 94013, mf. Blakkur 93026.

Upplýsingar um þessi naut og önnur er að finna á Netnautunum, www.bssl.is/nautaskra.

Sæðum kvígurnar

Ég vil eindregið hvetja til þess að menn nýti sér það að kvígusæðingar eru fríar og sæði sem flestar kvígur. Þannig stækjum við virkan ræktunarhóp og ekki veitir af þar sem kúnum fækkar stöðugt. Meðal kvígnanna er að finna bestu gripina og væntanlega verður um helmingur afkvæma þeirra kvígukálfar sem settir verða á. Þar fáum við þá vel ættaða og efnilega gripi.

Guðmundur Jóhannesson.

Ólituð dieselolía og lituð !

Frá og með 1. júlí sl breyttist skattlagning á dieselolíu og var þá farið að selja tvær gerðir hennar, ólitaða olíu með olíugjaldi og litaða olíu án olíugjalds. Litaða olían er fyrir vinnuvélar og tæki, s.s. dráttarvélar í landbúnaði.

Ákveðin hættu er á því að viðskiptavinir ruglist á litaðri og ólitaðri dieselolíu þegar aðeins eitt ó skilur heiti þeirra að. Ekki síst er þessi hættu fyrir hendi við sjálfsafgreiðslu. Því hafa Olíufélagið hf. og Skeljungur hf. ákveðið að kalla lituðu dieselolíuna annað. Olíufélagið nefnir hana litað dísil en Skeljungur mun kalla hana vélaolíu, en hún verður jafnframt merkt sem lituð dieselolía. Þar með ætti enginn að velkjast í vafa um að litaða diselolían er ætluð vinnuvélum og skyldum tækjum, á meðan dieselolía er ætluð ökutækjum. Nálægt helmings verðmunur er á þessum tveimur gerðum dieselolíu.

Hægt er að nálgast upplýsingar um sölustaði litaðrar dieselolíu hjá olíufélagunum s.s. á heimasíðum þeirra.

Glæsilegur árangur SUNNU-bænda 2004 !

Undanfarnar vikur hefur verið unnið að uppgjöri SUNNU-bænda vegna rekstrarársins 2004. Svo virðist að SUNNU-bændur hafi náð enn betri árangri árið 2004 en árið á undan.

Til að meta þetta varð gerð könnun á 25 búum sem eru þátttakendur í SUNNU-verkefninu. Í ljós kom að í samanburði þessara 25 búa milli ára 2003 og 2004, þá hafa flestir liðir sýnt jákvæða þróun milli ára, eins og sést í eftirfarandi töflu. Miðað er við verðlag hvors árs, 2003 og 2004 og viðmiðunin er kr/innlagðan lítra.

	2003	2004	Mismunur
Búgreinatekjur	89,8	91,0	+1,2
Breytilegur kostn.	29,8	30,0	+0,2
Framlegðarstig	66,8%	67,0%	+0,2
Hálffastur kostn.	16,1	14,1	-2,0
Afskriftir	27,3	27,4	+0,1
Fjármagnsliðir	15,0	14,8	-0,2
Launagreiðslugeta	7,4	10,5	+3,1

Meðalinnlegg þessara 25 búa var um 205.000 lítrar árið 2004 og að meðaltali var innvegið magn í samræmi við greiðslumark búanna. Framleiðsla þessara 25 kúabúa sem voru tekin í þennan samanburð nemur tæplega 11% af innvegnu mjólkurmagni í MBF.

Framlegð metin sem framlegð eftir hverja kúa hækkar milli ára á þessum 25 búum úr 297.000 kr/kú upp í 319.000 kr/kú eða um 7,4% milli ára.

Milli 80 og 90 kúabú eru nú þátttakendur í SUNNU-verkefni Búnaðarsambands Suðurlands en auk rekstrargreiningar er innifalin stöðumatsáætlun út frá lánastöðu viðkomandi bús auk eftirfylgni með öðrum áherslupáttum í rekstri. Nánari upplýsingar gefur undirritaður í síma 480 1811 eða í tölvupósti rs@bssl.

Runólfur Sigursveinsson.

Katrín Andrésdóttir,
Héraðdýralæknir á Suðurlandi.

Vegna flutnings á líffé milli varnarhólfa haustið 2005

Líflömb vegna fjárskipta

Bændur sem vilja kaupa líflömb vegna fjárskipta (riðuniðurskurðar) á komandi hausti þurfa að senda Yfirdýralæknisembættinu skriflega pöntun fyrir 1. ágúst 2005.

Peir einir koma til greina sem lokið hafa hreinsun skv. staðfestingu héraðsdýralæknis.

Lambhrútar til kynbóta

Sami frestur gildir fyrir þá sem búa á riðusvæðum (Árnessýslu) og óska þess að fá keypt hrútlömb til kynbóta. Skilyrði er að kaupandi sé virkur félagi í fjárræktarfélagi og/eða hafi vottun vegna gæðastýringar.

Tilgangur kaupleyfa er að takmarka viðskipti með sauðfé milli bæja, enda er helsta smitleið riðu með líffé.

Fanney Ólöf sauðfjárræktarráðunautur Bssl hefur milli-göngu um kaup líflamba og staðfestir að kaupandi uppfylli skilyrði yfirdýralæknis.

Skilyrði fyrir kaupum

Allt fé á bæjum kaupenda og seljenda skal vera merkt með löggiltum merkjum, sbr. rlg. nr. 289/2005, um merkingar búfjár.

Meðhöndla skal öll lömbin með fjölvirku sníkjudýralyfi tvisvar sinnum fyrir flutning.

Allar nánari upplýsingar og leiðbeiningar um líflambasvæði gefa sauðfjárræktarráðunautar Bssl.

Umsóknnum verður svarað fyrir ágústlok. Leyfi ræðst af heilsufari fjár á sölusvæðinu, þegar kemur að flutningi hverju sinni.

Að gefnu tilefni er áréttað að flutningur á sauðfé og geitum milli varnarhólfa (yfir varnarlínur) er stranglega bannaður án leyfis yfirdýralæknis, samkvæmt lögum nr. 25/1993 um dýrasjúkdóma og varnir gegn þeim, ásamt seinni breytingum, og skv. reglugerð nr. 651/2001 um útrýmingu á riðuveiki og bætur vegna niðurskurðar. Ennfremur er með öllu óheimilt að versla með kindur (unglömb sem eldra fé) eða flytja fé til lífs á milli bæja á svæðum þar sem riða hefur komið upp á síðustu 20 árum (sýktum svæðum).